



Manifestaçom nacional pola língua lembra resistênciã nas ruas contra o espanholismo

BRIGA :: 01/02/2015

Debemos fijar ese día en clave de lucha nacional contra la desaparición del galego

A Mesa pola Normalización Lingüística convoca para domingo día 8 umha mobilizaçom nacional polo galego. A data nom é escolhida ao acaso. Esse dia farám-se 6 anos do dia em que um grupúsculo de espanholistas apoiad@s por dúzias de pessoas vindas de fora do país saíam à rua para protestar “contra a imposiçom do galego”. Lembrades-vos?

Sim.

Foi a convocatória de rua mais célebre de Galicia Bilingüe, reduto mediatizado incapaz de trasladar a sua mensagem à população galega, mas com muitas ligaçoms com o daquela opositor autonómico Partido Popular.

Essa manhã de fevereiro a esquerda independentista e o movimento reintegracionista de base contestamos com todas as armas que pudemos ao insultante desfile antigalego.

Malia a habitual soidade organizativa com que centros sociais, coletivos políticos e culturais ou organizaçoms juvenis manifestamos a nossa disconformidade mostrando a cara, com a passagem do tempo a contestaçom de dúzias de pessoas nas ruas foi motivo de nom poucas adesons solidárias de entidades “mais relevantes”. Por exemplo, as havidas recentemente perante o julgamento de ativistas que fôrom condenados a penas de prisom.

A fixaçom do dia 8 de fevereiro de 2009 como jornada de infausto recordo pola presença do fascismo espanhol nas ruas da nossa capital, escoltado por centos de policías de choque, ficou aí por culpa da permissom de tal mobilizaçom. **Mas a lembrança dessa mesma data como jornada de resistênciã e dignidade, de orgulho e de contestaçom galega frente ao assimilacionismo espanholista é obra de quem aí estivemos. E a eleiçom desta data para mobilizar-se é prova disto.**

Quem figemos dessa jornada umha manhã para a luta em chave nacional contra a desapariçom do galego, fomos entre outros e outras nós, BRIGA. Durante as semanas prévias à marcha supremacista, as ruas de Compostela fôrom empapeladas com cartelaria e propaganda agitativa a denunciar a presença fascista de Galicia Bilingüe. Durante a mesma jornada, as ruas de Compostela fôrom cenário de autoafirmaçom nacional com muit@s jovens de todo o país a rebelar-se contra o desenvolvimento sossegado dum ato de exaltaçom espanholista na nossa capital.

Após 6 anos, a política defendida por Galicia Bilingue continua viva. Agora nas garras do partido que governa Galiza, o Estado e o mesmo concelho de Compostela com maioria absoluta. **Mas BRIGA e a imensa maioria dos coletivos e pessoas defensoras do galego cara a cara com a polícia armada, também.** E herdeir@s e responsáveis da satisfatória contestaçom que se deu aos ultras espanhóis daquela, **este 8 de fevereiro**

voltaremos a estar nas ruas de Compostela, mas desta vez à ofensiva!

Estaremos a **ligar a digna resistência dum povo que mostrou a sua vontade de viver defendendo-se em 2009, com a manifestação de orgulho contra o genocídio cultural do espanholismo em 2015**. Polas mil primaveras mais para a nossa língua que, de novo, florecerám em Compostela sobre as cinzas deixadas há seis anos polo ódio ao noso.

8 DE FEVEREIRO: MANIFESTA-TE NA CAPITAL!

DA RESISTÊNCIA À OFENSIVA! O GALEGO VIVE PORQUE SE DEFENDE!

<https://galiza.lahaine.org/manifestacom-nacional-pola-lingua-lembra>